

REFERAT SAA- Sanarfinermut Avatangiisinullu Ataatsimiititaq d. 18-06-2021

Mødedato Fredag d. 18. juni 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Nuummi qimminik aneerussisarfik.....	6
2021-mi politikkikkut ataatsimiiffissat aaqqissuussat.....	9
3900 Kapisilinni illuaqqanik marlunnik meeqqat angerlasimaffiattut atugassianik sanaartornissamu	11
Qooqquni illuaqqamut najukkatut atugassamut nunaminertamik qinnuteqaat.....	14
Kommunimut pilersaarummut tapiliussassatut siunnersuut 3B2-2, Inuussutissarsiateqarfik Nukappi	17
Qeqertarsuatsiaani aalisakkanik tunitsiviliornissaq.....	19
Ittoqqortoormiit pillugit tamakkiisumik pilersaarutissatut.....	22
Nuummi aqquserngit marluk taaguuserneqarnissaannut siunnersuutit.....	25
Inissiat pillugit pilersaarut 2021.....	27
Kommunimut pilersaarummut tapiliussaq 3A8-4 Iiminaq, Nuuk.....	30
Lukket.....	34
Oqaluuserisassanut tapiliussaq: 3900 Kapisilinni nammineq illuliornissanik pingasunik qinnuteqarr	35
Imaqarniliap akuerineqarnera.....	38

Punkt .: Saqqaa

Oqarasuaatsikkut:

Justus Hansen (D) - siulersuisoq

Uju Petersen (IA)

Naya-Sophia Lyberth (IA)

Lone Rosengreen Pedersen (IA)

Peter Davidsen (S)

Punkt .: Oqaluuserisassat akuersissutigineqarneri

Punkt .: Nalunaarutit

Beslutning

Ataatsimiitaliamut siulittaasutut nalunaarut:

Hans Henrik Winther Johannsen suliunnaarallartinneqarpoq. Alex Nørskov pisortaagallarpoq.

Punkt 1: Nuummi qimminik aneerussisarfik

Beslutning

Inassuteqaat akuersissutigineqarpoq.

Bilag

Tusarniaanermi akissutit tiguneqartut

Malittarisassatut siunnersuut



Nuummi qimminik aneerussisarfik

Tamanut tusarniaanerup inenera

Ilisimatitsissut

SagsID: ANL-2021-00004

Sanarfinermut Avatangiisinullu Ingerlatsivik – Pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- tamanut tusarniaanerup inenera pillugu ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit qimminik aneerussisarfiup inissisimaffissaa pillugu siunnersuut kommunip innuttaasunik akuutitsinermit nittartagaatigut, Kommuneqarfiga, tamanut tusarniaassutigivaa. Tassunga peqatigitillugu innuttaasut aperineqarput Nuummi allami qimminut aneerussisarfirmik pisariaqartitsisoqarnerasoq, taannalu/taakkulu sumi inissinneqarsinnaanersut.

Akuutitsinerup inernerivaa, tusarniaarnermut akissutit 5-it tiguneqarnerat kiisalu tapertaliullugu inissiiffiusinnaasumik siunnersuut ataaseq. Tusarniaarnermi akissutit marluk inissisimaffissaa pillugu iluarineqanngillat, tunngavilersuutigineqarluni meerarpassuaqartarnera qimminut pituutaqanngitsunut ersiginnittartunik aamma qimmit anarpassuaqalernissaanik kinguneqarsinnaanera. Ingerlatsiviup nalilerpaa, sumiiffiup ungaluneratigut qimminut ersiginnittartut toqqissisimatinneqarnissaat qulakkeerneqassasoq, kiisalu qimmiutilinnut qimmit anaannik tiguisarnissaannut tamanna kaammattuisuussasoq.

Ingerlatsivimmit Donnas Dyreklinik suleqatigalugu qimminut aneerussisarfirmi malittarisassat suliarineqarput. Taakku isaarissamut nivinngarneqassapput aamma kommunip nittartagaatigut tamanut saqqummiunneqassapput.

Taamaattumik ingerlatsiviup pilersitsiniarneq ingerlateqqissavaa aamma allatut periarfissatut Sanap eqqaani sissap tungaanut inissiisinnaaneq ilanngullugu.

Ingerlatsiviup aningaasaqarnikkut nukissatigullu naliliinera

Ungalunik, issiavinnullu takisuunut kiisalu eqqakkat imaartarnissaanut pilersitsinermit aserfallatsaaliuinerimullu aningaasartuuteqartoqassaaq. Ingerlatsivimmit missingersuutinit pioreersunit akilernerqartarnissai siunnersuutigineqarpoq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Kommuneqarfik Sermersuumi qimmit qitsuillu pillugit ileqqoreqqusaq



- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-meersoq
- Inatsisartut inatsisaat nr. 23, 22. november 2011-meersoq & Inatsisartut inatsisaat nr. 24, uu. 28 november 2016-meersoq (inatsisartut inatsisaannut allannguutit)
- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Kommunitut pilersaarut digitaliusoq www.kp.sermersooq.gl

Ilanngussat

1. Tusarniaanermi akissutit tiguneqartut
2. Malittarisassatut siunnersuut

Punkt 2: 2021-mi politikkikkut ataatsimiiffissat aaqqissuussat

Beslutning

Inassuteqaat akuersissutigineqarpoq, imatut allannguutitalerlugu: Ataatsimiinnerit aggustip qulingiluaanni septembarillu arfernani ingerlanneqassapput

Bilag

2021-mi politikkikkut ataatsimiiffissatut siunnersuut aaqqissuussa

2021-mi politikikkut ataatsimiiffissat aaqqissuussat

Aalajangiiffigisassaq

Sags ID.: EMN-2021-12395

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- 2021-mi politikikkut ataatsimiititap ataatsimiiffissai aaqqissuussat akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqarnissaannut kommunalbestyrelse pisussaavoq.

Sanarfinermut Avatangiisinullu Ataatsimiititap 2021-mi Suleriaasissaani, §3, imm. 2 naapertorlugu ataatsimiititap ataatsimiinnissani nammineq aalajangersartassavai.

2021-mi politikikkut ataatsimiiffissat 2021-mi 18. juuni aallarnerfigalugu ukiup sinneranut atuupput.

Tallimannngornikkut nal. 14:00 Sanarfinermut Avatangiisinullu Ataatsimiititap ataatsimiittarnissaat siunnersuutigineqarpoq. 2021-p sinnerani ataatsimiititap sisamariarluni ileqquusumik ataatsimiissaaq.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2021-mi politikikkut ataatsimiiffissat aaqqissuussat Naalakkersuisunut nassiunneqassapput.

Ingerlatsiviup aningaasaqarnikkut sulisoqarnikkullu naliliinera

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqartitsiniartoqanngilaq.

Inatsisitigut tunngavissaq allakkallu tunngaviusumik uppersaatitallit

- o Kommunit aqunneqarnerat pillugu Inatsisartut inatsisaat nr. 29, 17 november 2017-imeersoq.

Ilanngussat

1. 2021-mi politikikkut ataatsimiiffissatut siunnersuut aaqqissuussaq

Punkt 3: 3900 Kapisilinni illuaqqanik marlunnik meeqqat angerlasimaffiattut atugassianik sanaartornissamut nunaminertanik qinnuteqaatit

Beslutning

Inassuteqaatigineqartoq itigartitsissutigineqarpoq

Bilag

Nunaminertanik qinnuteqaat BOG-2020-23139-001

Nunaminertanik qinnuteqaat BOG-2020-23139-002

Tusarniaaneq - Offentlig Høring Kapisillit

Nunaqarfimmi Aqutsisunit akissuteqaat

Akerliliissut tigusaq

Akerliliissut tigusaq

Akerliliissut tigusaq

Akerliliissut tigusaq

Immikkoortup ilaa 18C1



3900 Kapisilinni illuaqqanik marlunnik meeqqat angerlasimaffiattut atugassianik sanaartornissamut nunaminertanik qinnuteqaatit

Aalajangiiffigisassaq

SagsID: BOG-2020-23139-001

BOG-2020-23139-002

Sanarfinermut Avatangiisinullu Ingerlatsivik – pisortaaqallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ataatsimiititap Kapisilinni illuaqqanik marlunnik meeqqat angerlasimaffiattut atugassianik sanaartornissamut qinnuteqaatit akuerineqassanersut isummerfiggissagaat. Qinnuteqaat akuersissutigineqassappat qinnuteqartoq nunaminertamik atugassinneqassaaq.

Suliassamik saqqummiussineq

Sanarfinermut Avatangiisinullu Ingerlatsivik Kapisilinni meeqqat angerlasimaffissaannik illuaqqiornissamut qinnuteqaatinik marlunnik tigusaqarpoq. Sumiiffik qinnuteqaateqarfiusoq kommunimut pilersaarut naapertorlugu suli sanaartorfissaqarpoq taamaattumillu erseqqissumik naliliinermik tunuliaquteqartumik killilimmik sanaartorfiusinnaalluni.

Suliani sumiiffimmik kommunimut pilersaarummi nunaminertamik sukumiisumik aalajangersagaanngitsumik sulili sanaartorfissalimmik qinnuteqarnermut tunngassutilinni, ingerlatsivik imatut suliamik ingerlatsisarpoq:

- Ingerlatsiviup inissisimaffik sumiiffimmilu sanaartorfissaqassuseq misissorsimassavaa.
- Sinneruttumik initussuseqarmat ingerlatsiviup qinnuteqaat Kapisilinnut kiisalu Nunaqarfimmi Aqutsisunut tamanut tusarniaassutissanngorlugu nassiuppaa.
- Tusarniaaneq tunuliaqutigalugu Ingerlatsiviup qinnuteqaatit politikikkut suliarisassanngorlugit nassiuppai tamatumalu kingorna nunaminertamik qinnuteqaatit inaarutaasumik suliarineqarput aalajangiinerlu qinnuteqartumut nalunaarutigineqarluni.

Nunaqarfimmi Kapisilinni piffissami 2021-mi 22. februaarimit 22. marsimut allagarsiinikkut tamanut tusarniaasoqarpoq.

Tusarniaanermut akissutinik katillugit tallimaasunik tiguisoqarpoq taakkunanilu ataaseq nunaqarfimmi aqutsisuninnganneerpoq taakkulu meeqqanut angerlarsimaffiit amerlilerneqarnissaat kissaatiginngilaat, takussutissiaq 4. Nunaqarfimmi aqutsisut qinnuteqaat meeqqanut sumiginnagaasunut tunngassuteqarmat Kapisilimmiullu tamanna pitsaasumik pissarsiaqaatigissagaat isumaqannginnamik akuerserusunngillat.

Tusarniaanermut akissutit sinneruttut Kapisilinni illuaraatileqatigiinnit, Arctic Hostel Kapisillimit nunaqarfimmilu innuttaasunit tiguneqarsimapput. Ataatsimut isigalugu toqqissisimangillat, meeqqallu nakkutigineqanngitsut nunaqarfimmi aserorterinissaat ernumassutigalugu, takussutissiat 5-8.

Sanarfinermut Avatangiisinullu Ingerlatsivimmi qinnuteqaammik suliqaarnermi sumiiffiup inissiaqarfissatut atugassanngortinneqarsimanera sulilu sanaartorfissaqarnera aallaavigineqarput. Kapisilinni innuttaasut tatituutut meeqqanullu angerlarsimaffinnik illuaqqiortoqarnissaanut inissaqartitsisinnaasutut nalilerneqarput.

Tamatuma saniatigut meeqqanut angerlarsimaffinnik illuaqqiortoqarnissaa akuerineqassappat, tamanna FN-ip nunarsuarmut anguniagaa nr. 3 "Inunnut tamanut qassinik ukioqassuseq apequtaatinnagu peqqissuunissap inuunerinnissallu qulakkeerneqarnissaat" kiisalu anguniagaaq



11 ”Illoqarfiit, nunaqqatigiit nunasiffiillu ilanngussisunngortillugit, isumannaatsunngortillugit, qajannaatsunngortillugit piujuartitsisunngortillugillu.” naapertorlugit kommunimut kivitseqataassasoq ingerlatsivimmit nalilerneqarpoq.

Ingerlatsivimmit aningaasatigut sulisoqarnikkullu naliliinerit
Qinnuteqaatit kommunimut aningaasatigut kinguneqassanngillat.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq & Kommunimut pilersaarut 2032

Innuttaasunik peqataatitsineq/attaveqatigiinneq

Qinnuteqaatigineqartoq nunaqarfimmi allagarsiussinikkut nunaqarfimmilu aqutsisuni ilaasortanut tamanut tusarniutigineqareerpoq.

Nunaqarfimmi Kapisilinni piffissami 2021-mi 22. februaarimit 22. marsimut allagarsiinikkut tamanut tusarniaasoqarpoq.

Ilanngussat

1. Nunaminertanik qinnuteqaat BOG-2020-23139-001
2. Nunaminertanik qinnuteqaat BOG-2020-23139-002
3. Tusarniaaneq - Offentlig Høring Kapisillit
4. Nunaqarfimmi Aqutsisunit akissuteqaat
5. Akerliliissut tigusaq
6. Akerliliissut tigusaq
7. Akerliliissut tigusaq
8. Akerliliissut tigusaq
9. Immikkoortup ilaa 18C1

Punkt 4: Qooqquni illuaqqamut najukkatut atugassamut nunaminertamik qinnuteqaat

Beslutning

Qinnuteqaat itigartitsissutigineqarpoq

Bilag

Nunaminertamik atugassinneqarnissamik qinnuteqarneq BOG-2021-02316-002

Tusarniut

Akerliliissutit tiguneqartut

Immikkoortup ilaa



Qooqquni illuaqqamut najukkatut atugassamut nunaminertamik qinnuteqaat

Aalajangiiffigisassaq

SagsID: BOG-2021-02316-002

Sanarfinermut Avatangiisinullu Ingerlatsivimmi - pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Qooqquni najukkatut atugassamik illuaqqamik sanaartornissamut qinnuteqaat akuersissutigineqassanersoq ataatsimiititamit isummerfgineqassasoq. Qinnuteqaat akuersissutigineqassappat qinnuteqartoq nunaminertamik atugassinneqassaaq.

Suliassamik saqqummiussineq

Qooqquni illuaqqamik meeqqanut arfinilinnut sulisunullu najugaqarfittut atugassamik sanaartornissamut nunaminertamik qinnuteqaat Sanarfinermut Avatangiisinullu Ingerlatsivimmit tiguneqarpoq. Sumiiffik qinnuteqarfigineqartoq, kommunimut pilersaarummi suli sanaartorfissaqarnera innersuussutigalugu, sukumiisumik naliliisoqarnera tunngavigalugu nutaamik killilikkamik sanaartorfineqarsinnaavoq. Tamatuma saniatigut sumiiffik L-itut atugassiaavoq, matumani lejrskolerneq ilanngullugu.

Illuaraq Nuuk Ugeavisikkut aamma kommunip nittartagaatigut illuaqqanut tunngatillugu aalajangersimasumik periuseqartarnikkut tusarniaassutigineqarpoq piffissami 2021-mi apriliip ulluisa 28-ata aamma maajip ulluisa 19-iata akornanni.

Tusarniaanermut akissuteqaatit 15-it tiguneqarput.

Tusarniaanermut akissuteqaateqartut sumiiffimmi illuaraqarsimasutut najugaqarfeqarsimanermik misigisimasartik tunngavigalugu nalunaarutigivaat qinnuteqartoq itigartitsissutigineqassasoq. Illuaraliornissamut akuersissuteqartoqarpat aserorterisoqartarnissaa, nipiliortoqartarnissaa eqqissiviillioqartarnissaalu ernumagalugit oqaatigaat, ilanngussa 3.

Suliffeqarfik qinnuteqartoq najugaqarfimmillu ingerlatsisoq ingerlatsivimmit ataatsimeeqatigineqarpoq, tassanilu paasitinneqarpugut meeqqanut arfinilinnut taamaallaat najugaqarfiussasoq aamma meeqqat pineqartut artorsartinneqangaartutut inissisimangitsuusut. Illuaqqamiinnermi sulisoqartuaannartartussaavoq.

Sanarfinermut Avatangiisinullu Ingerlatsivimmi qinnuteqaammik suliqaarnermi sumiiffiup illuaraqarfissatut aamma lejrskolertarfissatut atugassanngortinneqarsimanagera sulilu sanaartorfissaqarnera aallaavigineqarput. Sumiiffik Nuup ungasinngisaaniikkami pilerinartuusooq tikinneqarluartartuusorlu nalilerneqarpoq. Taamaammat illuaqqanik piginnittut saniatigut angallattoqartaqaaq. Sumiiffimmi najugaqarfimmiit meeqqanut illuaraliortoqarnissaanik inissaqartitsisoqarnera nalilerneqarpoq, aamma meeqqat Nuuk qimallugu periarfissaqarnerat pitsaasuusooq sumiiffimmi pinngortitamik atuilluarsinnaasut.

Tamatuma saniatigut sumiiffimmi illuaqqanik piginnittut ilaqutariillu illuaraatillit angallaffianni najugaqarfittut illuaraqarnissaa ingerlatsivimmit nalilerneqarpat akuerineqassasoq, taava FN-ip nunarsuarmut anguniagaa nr. 3 "Inunnut tamanut qassinik ukioqassuseq apeqqutaatinnagu peqqissuunissap inuunerinnissallu qulakkeerneqarnissaat" kiisalu anguniagaaq 11 "Illoqarfiit, nunaqqatigiit nunasiffiillu ilanngussisunngortillugit, isumannaatsunngortillugit, tatituunngortillugit piujuartitsisunngortillugillu." naapertorlugit kommunimut kivitseqataassaaq.



Ingerlatsivimmit aningaasatigut sulisoqarnikkullu naliliinerit
Qinnuteqaatit kommunimut aningaasatigut kinguneqassanngillat.

Suliffeqarfimmut Kiffartuussivimmit aningaasatigut naliliineq
Pingaaruteqanngilaq.

Inatsisitigut tunngavissaq allakkallu tunngaviusumik uppersaatitalit

- Inatsisartut inatsisaat nr 17, 17 november 2010-meersoq
- Kommunimut pilersaarut 2032

Ilanngussat

1. Nunaminertamik atugassinneqarnissamik qinnuteqarneq BOG-2021-02316-002
2. Tusarniut
3. Akerliliissutit tiguneqartut
4. Immikkoortup ilaa

Punkt 5: Kommunit pilersaarummut tapiliussassatut siunnersuut 3B2-2, Inuussutissarsiteqarfik Nukappiakuluk, Nuuk

Beslutning

Inassuteqaat akuersissutigineqarpoq.

Bilag

Kommunit pilersaarummut tapiliussassatut siunnersuut 3B2-2, inuussutissarsiteqarfik Nukappiakuluk, Nuuk



Kommunimut pilersaarummut tapiliussassatut siunnersuut 3B2-2, Inuussutissarsiteqarfik Nukappiakuluk, Nuuk

Aalajangiiffigisassaq

SagsID: EMN-2021-11122

Sanarfinermut Avatangiisinullu Ingerlatsivik – pisortaaqallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Kommunimut pilersaarummut tapiliussassatut siunnersuut 3B2-2 Nukappiakuluk, Nuuk, akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunimut pilersaarummut tapiliussassatut siunnersuut 3B2-2, Nuummi timmisartoqarfiup mittarfiata allilerneranut atatillugu iluarsiissutit tunngavigalugit suliarineqarpoq. Mittarfiup avannaatungaani aqquserngup allangortinneqarnissaa naatsorsuutigineqarpoq, tassungalu ataatillugu immikkoortup ilaanut aqqut pilersinneqaqqissaaq.

Siuliini pineqartut malillugit iluarsiinissaaq pillugu immikkoortup ilaanut killiliussat allangortinneqarsimaneri pillugit nunaminertat atugassiissutigineqarsimasut matumuuna iluarsineqarput.

Immikkoortup atuuffii maannakkutut siunissami taamaaginnassapput, tassunga ilanngullugit suliffeqarfiit mingutsitsivallaartunut tunngasut (kapitali-5).

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussassatut siunnersuut aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pisiariaqanngilaq.

Inatsisitigut tunngavissaaq allakkallu tunngaviumik uppersaaitallit

- Pilersarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussassatut siunnersuut 3B2-2, inuussutissarsiteqarfik Nukappiakuluk, Nuuk

Punkt 6: Qeqertarsuatsiaani aalisakkanik tunitsiviliornissaq

Beslutning

Qinnuteqaat itigartitsissutigineqarpoq aamma inassuteqaat itigartitsissutigineqarpoq

Bilag

Nunap assinga ilanngussa

Tusarniaanermut akissuteqaat Nunaqarfimmi aqutsisut

Tusarniaanermut akissuteqaat Peqatigiiffik Nuunnguaq

Tusarniaanermi saqqummiunneqartut

Qeqertarsuatsiaani aalisakkanik tunitsiviliorinissaq

Aalajangiiffigisassaq

Sags ID.: BOG-2021-03401-001

Sanarfinermut Avatangiisinullu Ingerlatsivik – Pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Qeqertarsuatsiaani sumiiffimmi qinnuteqarfiusumi aalisakkanik tunitsiviliorinissaq akuersissutigineqarsinnaanersoq ataatsimiititaliap aalajangiiffigisagaa.
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Sanarfinermut Avatangiisinullu Ingerlatsivik matumani Qeqertarsuatsiaani aalisakkanik tunitsiviliorinissaq pillugu suliassamik saqqummiussivoq.

Novembari 2018-imi Greenland Fish & Offshore ApS Qeqertarsuatsiaani aalisakkanik tunitsiviliorinissamik qinnuteqarpoq, qinnuteqaatilli imarisai amigaateqarmata suliarineqarsinnaasimanngilaq. Kinguneranik suliffeqarfik kommunimit aningaasatigut tapersorsorneqarnissaminut qinnuteqarpoq tamannalu apriliip 21-ani 2020-mi Aningaasaqarnermut Inuussutissarsiornermullu Ataatsimiititap ataatsimiinnerani suliarineqarpoq. Qinnuteqaat inatsisinut atuuttunut innersuussutitalimmik itigartitsissutigineqarpoq.

Suliffeqarfik nutaamik, Nuunnguaq Seafood IVS-imi atserluni nutaamillu CVR-nr.-lerluni nunaminertamik atugassinneqarnissamik qinnuteqaqqissimavoq. . Aalisakkanik tunitsiviup Pilersuisup kujammut kitaatungaani, Pilersuisup gassinik toqqorsiviuteqarfiani sanaartorneqarnissaa kissaatigineqarpoq, taamaattumillu pilersaarutip piviusunngortinneqarnissaanut gassinik toqqorsiviup nuunneqarnissaa pillugu Nuunnguaq Seafood IVS-ip KNI-mik isumaqatigiissusiornissaa piunasaqaataavoq, ilanngussaq 1.

B-157-ip toqqorsivissatut aalajangiunneqarsimanera ingerlatsiviup ilisimaarivaa qinnuteqartorlu tamatumingga ilisimatissimallugu kommunalbestyrelsilu tamatuma atorunnaarsinneqarsinnaanissaanut aalajangiisussaassaaq. Taamaattumik qinnuteqartup qinnuteqaammini illuliornermi malittarisassat naapertorlugit B-157-imut ataqqinnittumik ungasissuseqarnissaq malissimavaa.

Kommunimut pilersaarummi Qeqertarsuatsiaanut sukumiisumik aalajangersaasoqarsimanngimmat, ingerlatsiviup qinnuteqaat Nunaqarfimmi aqutsisunut tamanullu tusarniaassutigineqartussanngorlugu ingerlateqqippaa. Tusarniaanermut akissutinik katillugit marlunnik tiguisoqarpoq, taakkunani aappaa nunaqarfimmi aqutsisuninngaaneerpoq taakkulu aalisakkanik tunitsivittaarnissaq kissaatiginngilaat, ilanngussaq 2. B-157-ip toqqorsivissatut atugassiaanera pillugu suliassamik ingerlasoqarpoq, Nunaqarfimmi aqutsisut tamatuma qulaajarneqaqaarnissaa kissaatigaat. B-157 aalisakkanik tunitsiviup qinnutigineqartup sananiippoq.

Tusarniaanermut akissutip aappaa peqatigiiffik Nuunnguaminngaanniit tiguneqarpoq, taakkulu qinnuteqartumut tatiginninatik allapput, aammalu najukkami aalisartut qinnuteqartumik isertuussivigineqartutut misiginertik pissutigalugu aalisakkanik tunitsivissamat tapersersuinngitsut paasissutissiillutik, ilanngussaq 3.



Aalisakkanik tunitsiviup najukkami tunngavissinneqartilluni tapersersorneqartillunilu Qeqertarsuatsiaanik pitsanngorsaaqataasinnaasoq, Ingerlatsivik naliliivoq.

Ingerlatsiviup aningaasaqarnikkut sulisoqarnikkullu naliliinera

Qinnuteqartup sanaartorfissagissaanissaq, gassinik toqqorsiviup pioreersup nuunnissaa allallu nammineerluni isumagisussaassammagit, aalisakkanik tunitsivimmik sanaartornissaq kommunimut aningaasaqarnikkut sulisoqarnikkullu kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppernarsaatitalit

Inatsisit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Pilersaarusiorneq aamma nunaminertat atorineqartarnerat pillugit Inatsisartut inatsisaata allangortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusiornermut nalunaarussiaq, nunaminertanik inniminniisarneq, atuisinnaanermut killigititamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusiornermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa.)

Ilanngussat

1. Nunap assinga ilanngussaq
2. Tusarniaanermut akissuteqaat Nunaqarfimmi aqutsisut
3. Tusarniaanermut akissuteqaat Peqatigiiffik Nuunnguaq
4. Tusarniaanermi saqqummiunneqartut

Punkt 7: Ittoqqortoormiit pillugit tamakkiisumik pilersaarutissatut

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq

Ittoqqortoormiit pillugit tamakkiisumik pilersaarut



Ittoqqortoormiit pillugit tamakkiisumik pilersaarutissatut

Aalajangiiffigisassaq

SagsID.: ANL-2020-00024

Sanarfinermut Avatangiisinullu Ingerlatsivik – Pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Ittoqqortoormiit pillugit tamakkiisumik pilersaarut akuersissutigineqassasoq
- suliaq inaarutaasumik akuersissutigisassanngorlugu Aningaasaqarnermut Inuussutissarsiornermut ataatsimiititaliamut kiisalu Kommunalbestyrelsimut ingerlateqqinneqassasoq

Suliassamik saqqummiussineq

Ittoqqortoormiit pillugit tamakkiisumik pilersaarut piffissami 03. marsi - 28. aprili 2021 tamanut tusarniaassutigineqarpoq. Tusarniaanerup nalaani akissut ataaseq tiguneqarpoq, taannalu pillugu oqaaseqatigiiliormi arlalinnik allanngortitsisoqarpoq iluarsiissuteqartoqarlunilu.

Pilersaarusiormi periusissaq P18, kommunimut pilersaarut Sermersooq2032, politikikkut akuersissutigineqartoq toqqammavigalugu Tasiilaq pillugu tamakkiisumik pilersaarusiarineqarpoq. Ittoqqortoormiini ineriartormermut qulequttamik akuersissuteqartoqanngilaq, kisianni Kommunimut pilersaarut allassimavoq illoqarfiup ineriartornissamat periarfissai nunaqqatigiillu imminnut napatissinnaanerit misissorneqassasut.

Inuuneq pitsaasoq ajunngitsumik tunngaveqartinniarlugit illoqarfimmi pitsaaqutinut pioreersunut nukittorsaaqataassalluni tamakkiisumik pilersaarutip siunertaraa. Illoqarfimmi katersuuttarfiit pioreersut tapersernissaat pilersaarummi anguniagaavoq. Ittoqqortoormiit najoruminartuujuarnissaanut pitsanngorsaavigineqarlutillu nutarterneqassapput.

Ittoqqortoormiinit tunngatillugu siunissami aningaasaqarnikkut pilersaarusiormermut atatillugu tamakkiisumik pilersaarut Najukkami Ataatsimiititaliamit kommunalbestyrelsimillu sakkussaavoq isumassarsiorfissaallunilu.

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalilerneqarpoq. Taamaalilluni tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisititerisoqarnissaanik naleqqussaanermik imaqarpoq.

Aalajangersimasumik suliniutini ilaatigut pilersaarutip siunnersuutigaa, Ejnar Mikkelsenip eqqaassutissaata eqqaatigut pissutsit pitsaanerusut pilersinneqassasut Qinngaaivanilu neriffiusinnaasunik pingaartumillu pisuinnarnut appakaaffissanik pilersitsisoqassasoq taamaalilluni illoqarfimmi angalaneq ajornannginnerulissamat.

Taassuma saniatigut annikitsut arlallit issivinnik pilersitsinermit qimmilivinnut erngup aqqaanik pilersitsinermit siunnersuutigineqarput.



Ingerlatsivimmit aningaasatigut sulisoqarnikkullu naliliinerit

Tamakkiisumik pilersaarut aningaasaqarnikkut sulisoqarnikkullu sunniuteqartitsissanngilaq, Ittoqqortoormiinili iluarsartuussinissamut pitsanngorsaanissamullu aningaasaliisoqartariaqarneranik taakkartuiffiulluni.

Suliffeqarfimmut Kiffartuussivimmit aningaasatigut naliliineq

2021-mut missingersuutitut isumaqatigiisummi Ittoqqortoormiini tamakkiisumik pilersaarusiortoqarnissaanik kissaateqartoqaqqammersoq oqaaseqaatigineqarpoq. Tamakkiisumik pilersaarusiorneq 2021-p ingerlanerani pissaaq, tamakkiisumillu pilersaarusiornermut aningaasat Pilersaarusiornermut Oqartussaqaqfiup missingersuutaannit pissarsiarineqassapput. Ittoqqortoormiinit tamakkiisumik pilersaarut naammassippat sanarfinermut immikkoortotaqarfimmit Ittoqqortoormiini Najukkami Ataatsimiititaliamut suliniutissanik pilersaarusiornermik missingersuusiornermillu ikiuisoqassaaq.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Kommunitumut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutininik suliaqarneq
2. Ittoqqortoormiit pillugit tamakkiisumik pilersaarut

Punkt 8: Nuummi aqquserngit marluk taaguuserneqarnissaannut siunnersuutit

Beslutning

Inassuteqaat imatut oqaaseqaatitalerlugu itigartitsissutigineqarpoq: Nutaanik siunnersuusiortoqarnissaa siunertaralugu suliaq Sumiiffiit Aqquserngillu Taaguutaannik Siunnersuisoqatigiinnut ingerlateqqinneqassaaq

Bilag

Nunap assinga - Uumasuusiviup tungaanut aqqut

Saaffiginnissut - Uumasuusiviup tungaanut aqqut

Nunap assinga - Iggiaata tungaanut ikaartarfiup aqqutaa



Nuummi aqquserngit marluk taaguuserneqarnissaannut siunnersuutit

Qinngutsinni uumasuusiviup tungaanut aqqut taavalu Nuussuarmi Iggiaani ikaartarfimmut aqqut

Aalajangiiffigisassaq

Sags ID.: EMN-2021-00323 Akt ID 2

Sanarfinermut Avatangiisinullu Ingerlatsivik – Pisortaagallartoq Alex Nørskov / ALNS

Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- siunnersuisoqatigiinniit siunnersuutigineqartut marluk akuersissutigineqassasut
- suliaq inaarutaasumik akuersissutigisassanngorlugu Aningaasaqarnermut Inuussutissarsiornermut kiisalu Kommunalbestyrelsimut ingerlateqqinneqassasoq

Suliassamik saqqummiussineq

Sumiiffiit Aqquserngillu Taaguutaannik Siunnersuisoqatigiit marsip ulluisa 25-anni 2021-mi ataatsimiipput, Nuummi aqquserngit marluk taaguutissaannik siunnersuutit suliarineqarlutik, taamaasillutillu siunnersuisoqatigiit marlunnik siunnersuuteqarput:

- Qinngutsinni uumasuusiviup tungaanut aqqut imatut ateqassasoq: Ulo Siunnersuummut tunngavilersuutigineqarpoq, Qinngutsinni aqquserngit kalaallit sakkui tunngavigalugit atsersersugaaneri.
- Nuummi Iggiaani ikaartarfimmut aqqut ima atserneqassasoq: Eqalugalissuarnut Siunnersuummut tunngavilersuutigineqarpoq Iggiaata paava ateqarmat Eqalugalissuit, taamaattumik aqqusineq ateqassasoq: Eqalugalissuarnut.

Ingerlatsivimmit aningaasatigut sulisoqarnikkullu naliliinerit

Sumiiffimmut aningaasartuutit Ingerlatsivimmit aningaasaliissutaareersut iluannit aningaasaliiffigineqarsinnaapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- o Kommunit aqunneqarnerat pillugu Inatsisartut inatsisaat nr. 29 17. november 2017-meersoq (aqutsinermik inatsit).
- o Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-meersoq (suliassamik isumaginninnermut inatsit).
- o Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq.

Ilanngussat

1. Nunap assinga - Uumasuusiviup tungaanut aqqut
2. Saaffiginnissut – Uumasuusiviup tungaanut aqqut
3. Nunap assinga - Iggiaata tungaanut ikaartarfiup aqqutaa

Punkt 9: Inissiat pillugit pilersaarut 2021

Beslutning

Inassuteqaat akuersissutigineqarpoq.

Bilag

Inissiat pillugit pilersaarut 2021



Inissiat pillugit pilersaarut 2021

Kommunip inissialiornissamik pilersaarutaanik nassuiaat

Aalajangiiffigisassaq

Sags ID.: EMN-2021-11314

Sanarfinermut Avatangiisinullu Ingerlatsivik – pisortaaqallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Inissiat pillugit pilersaarut 2021 akuersissutigineqassasoq
- suliaq inaarutaasumik akuersissutigisassanngorlugu Aningaasaqarnermut Inuusutissarsiornermut ataatsimiititaliamut kiisalu Kommunalbestyrelsimut ingerlateqqinneqassasoq

Suliassamik saqqummiussineq

Inissiat pillugit pilersaarut 2021 ineqarnermut tunngasut politikikkut eqqumaffigineqarneri tunngavigalugit saqqummersinneqarpoq. Pilersaarummi kommunimi ineqarnermut tunngasut immikkut, kiisalu ineriartortitsinissamat periarfissat piukkunnaatilillu tamakkiisumik malinnaaffigineqarnissai siunertaavoq.

Inissiat pillugit pilersaarummi kommunimi pilersaarummi piumasaqaatit kiisalu maannakkut pilersaarutaasut periusissallu nassuiaatigineqarput - tassa illoqarfiup allanngortinneqarnissaanut ineriartortinneqarnissaanullu tunngatillugu. Tassunga tunngatillugu inissiat pillugit pilersaarummi kommunimi sumiiffinni assigiinngitsuni, kiisalu innuttaasut katitigaanerisigut ineriartorneq tunngavigalugu, inissianik pisariaqartitsineq qulaajarneqarpoq. Taamaaliornikkut pilersaarusiornissaq eqqarsaatigalugit ukiut 12-it ingerlaneranni immikkoortumut naatsorsuutaasinnaasut pisariaqartinneqartut pitsaanerusumik malinnaaffigineqarsinnaalissapput.

Naggasiullugulu inissiat pillugit pilersaarummi siunissami Nuummi, inissianik amigaateqarnerpaaffiusumi, ineriartortitsiviusussanik siunnersuuteqartoqarpoq, kiisalu kommunimit, sanaartortutut oqartussatullu, suut anguniarneqassanersut siunnersuuteqartoqarluni.

Ingerlatsivimmit aningaasatigut sulisoqarnikkullu naliliinerit

Inissiat pillugit pilersaarutip suliarineqarnera aningaasatigut kingunerisassaqanngilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq

Inatsisitigut tunngavissaq allakkallu tunngaviusumik uppersaataatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl



Ilangussat

1. Inissiat pillugit pilersaarut 2021

Punkt 10: Kommunitut pilersaarummut tapiliusseq 3A8-4 Iiminaq, Nuuk

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliusseq 3A8-4 Iiminamut siunnersuut siulleq

Kommunimut pilersaarummut tapiliusseq 3A8-4 liminaq, Nuuk

Aalajangiiffigisassaq

Sags ID.: ANL-2020-00020

Sanarfinermut Avatangiisinullu Ingerlatsivik – pisortaaqallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 3A8-4 liminaq akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A8-4 liminaq, Nuuk matumuuna saqqummiuppaa.

Kommunimut pilersaarummut tapiliussakkut aalajangersarneqarpoq, immikkoortup ilaa 3A8 inissiaqarfiussasoq (A), taamaalillunilu namminersortut inissialiornissaannut killiliussaliortoqarsinnaalluni.

Kommunimut pilersaarummut tapiuliussami 3A8-4 liminaq uani sanaartorfissat arfineq marluk inissianut arfinillit najugaqarfimmullu ataatsimut atugassiaapput. Inissiat issittumi ilaqutariinnut illut nukissiuutinik atuinikitsut maligassatut assersuutissaqqissuussapput aammalu allanut neriuartumik isumassarsititsuussallutik.

Kommunimut pilersaarummut tapiliussakkut ugguuna periarfissaatinneqarpoq, immikkoortup ilaa 3A8 liminaq annertusineqarnissaa aamma:

- Nutaamik **immikkuualuttumik E-mik** atugassangortitsisoqassasoq, tassa sumiiffimmi avannamut kitaatungaani. Tassunga immikkoortinneqassapput sanaartorfissat arfineq nutaat ilaqutariit illuinik nukissiuutinik atuinikitsunik sanaartorfiusussat. Sanaartorfissat kangimut ilaqutariinnut ataatsinut illuliorfissap ilassutaatut atugassangortinneqassapput, taakkulu aqqusinermit liminamit matoqqasumik aqquteqartinneqassapput. Inissiat akuttussusiligaanerisa nunallu immap tungaanut sivingarnata sumiiffimmi inissiat ungataaniittut isikkiviginnissaat qulakkiissavaa.
- **Immikkuualuttoq E** suli aamma kujammut kangiitungaani sanaartorfissamik ataatsimik najugaqarfimmik nutaamik sanaartornissamut ilaneqassasoq.
- **Immikkuualuttoq C** inissianut sanileriaanut pioreersunut ataasiakkaatigut uigunissamik naqqullu ataanik, qaliarpaamik quitullu atuilernissamik periarfissiisumik atugassangortitsisoqassasoq.
- liminami aqqusineq sumiiffimmi inissiaqarfiup tungaanut aqquteqartilerlugu allangortinneqassasoq, taamaalilluni sukkanerpaaffissap 15 km/t-imut appartinneqarluni, tassuunakkut pisuinnarnut meeqqanullu pinnguartunut isumannaatsuutitsisoqarsinnaatillugu.

Kommunimut pilersaarummut tapiliussaq una aqputigalugu liminami inissialiassat nukissiuutinik atuinikitsut sumiiffimmut ersarissumik attuumassuteqassapput, illuliortaaserlu atorineqartussaq piujuartitsisumik inuunermet pitsaasumut attuumassuteqartitsilissalluni. Inissiani nukissiuutinik isumalluutinillu atuinikinnerulernissaq qitiutinneqassapput. Atortut silaannaap pisussaanut naleqquttuussapput illullu iluani silaannarmik pitsaasumik pitsersitsissallutik. Tullinnguullugu tamakkiisumik aningaasaqarnikkut akilersinnaassuseq sivisuumik attassinnaasunik toqqaanissamut aalajangeeqataassaaq. Inissiat nutaat najugaqarfiillu nutaat taamaalillutik pitsaassusissamik uuttuinermi aamma sanaartormermit piujuartitsinermit tunngaveqartumik eqqortitsinissaq toraarneqassaaq:

- Avatangiisit eqqarsaatigalugit pitsaassuseq
- Inuuniarnermet tunngasuni pitsaassuseq
- Aningaasaqarneq eqqarsaatigalugu pitsaassuseq

Inissialiassat nukissiuutinik isumalluutinillu tamakkiisup annertunersaanik atuinikiffiunissaat eqqarsaatigilluagaassaaq. Taamaattumik sanaartugassat silaannaap pissusiinut avatangiisinullu tunngasunik unammilligassanut atuuttunut naammassinninnissamut piujuartitsisumik ineriartortinneqarnissaat pingaaruteqarluinnartuuvooq. Inissialiassat inuiaqatigiinnut tamanut pingaaruteqartuussapput illuliallu pitsaassusiat inuttut inooqatigiinnermet peqqissutsimullu aalajangiisuulluinnassallutik. Illut tamatigut sivisuumik atasinnaasarput, imaappoq ullumikkut toqqagassatut toqqakkavut sivisuumik atasinnaanngornikuupput.

Kommuneqarfik Sermersooq piujuartitsinermit tunngavilimmik sanaartornissamut suli nammineq periusissiuungilaq, taamaattorli illoqarfiit pingaarnersaannut periusissiami erseqqissaatigineqarlutik kommunimi illuliortaatsimut politikki aamma Nunarsuaq tamakkerlugu anguniagassanut periusissiaq.

Naalagaaffiit Peqatigiit nunarsuaq tamakkerlugu anguniagaat



ANGUNIAGAQ 11: Inoqarfiit piujuartitsiffiusut

- Pilersaarummut tapiliussap illuliortaaseq patajaatsoq init inissaqarluartut akunnilersorluarsimasullu qulakkiissavai, piffissap ingerlanerani nutaaliaasunit assigiinngitsunit ineriartormerlu ilutigalugu atorsinnaasut.
- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsaarfissaqqissuni atuisinnaanissaat.



ANGUNIAGAQ 12: Akisussaassulimmik atuneq nioqutissiornerlu

- Pilersaarummut tapiliussap sanaartugaq patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

Ingerlatsiviup aningaasaqarnikkut nukissatigullu naliliinera

Kommunimut pilersaarummut tapiliussap matuma suliarineqarnera aningaasatigut kinguneqartitsissanngilaq.

Suliffeqarfimmut Kiffartuussivimmit aningaasatigut naliliineq

Pingaaruteganngilaq.

Inatsisitigut tunngavissaq allakkallu tunngaviusumik uppersaatitallit

- Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-meersoq
- Kommunitum pilersaarut digitaliusoq www.kp.sermersooq.gl

Ilannussat

1. Kommunitum pilersaarummut tapiliussa 3A8-4 liminamut siunnersuut siulleq

Punkt 11: Lukket

Punkt 12: Oqaluuserisassanut tapiliussa: 3900 Kapisilinni nammineq illuliornissanik pingasunik qinnuteqarneq

Beslutning

Inassuteqaat akuersissutigineqarpoq.

Bilag

Tusarniaaneq - Tamanut ammasumik tusarniaaneq Kapisillit

Akerliliissut tiguneqartoq

Immikkoortup ilaa 18A1

Immikkoortup ilaa 18C1

3900 Kapisilinni nammineq illuliornissanik pingasunik qinnuteqarneq

Aalajangiiffigisassaq

SagsID: BOG-2020-11638-003
BOG-2019-00255-004
BOG-2019-00332-005

Sanarfinermut Avatangiisinullu Ingerlatsivimmi - Pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- qinnuteqaatit akuersissutigineqassasut (suliaq akuerineqassappat, nunaminertaq qinnuteqartumut tunniunneqassaaq)

Suliassamik saqqummiussineq

Sanarfinermut Avatangiisinullu Ingerlatsivik Kapisilinni ilaqutariinnut ataatsinut nutaamik illuliornissamat qinnuteqaatinik pingasunik tigusaqarpoq. Nunaminertaq qinnutigineqartoq inissaqassuseqarpoq. Taamaattumik naliliinerit tunngavigalugit killilimmik sanaartortoqalersinnaavoq.

Suliani, sumiiffinni sukumiisumik aalajangersaavigineqarsimangitsuni nunaminertamik qinnuteqartoqartillugu sulilu sinneruttumik sanaartorfissaqarsimatillugu kiisalu kommunimut pilersaarummut tapiliussaliortoqarnissaanik pisariaqartitsisoqarsimatinnagu, ingerlatsivik ima periuseqartarpoq:

- Sumiiffissaa sumiiffimilu sanaartorfissaqassuseq ingerlatsivimmit misissorneqarpit.
- Sanaartorfissaqarmat ingerlatsiviup qinnuteqaat Kapisilinnut nassiuppa.
- Tusarniaaneq tunngavigalugu Ingerlatsiviup qinnuteqaat politikikkut eqqartugassanngorlugu ingerlateqqittarppaa, kingornagullu nunaminertamik atugassinneqarnissamik qinnuteqaat inaarutaasumik suliarineqassalluni.

Qinnuteqaatigineqartoq nunaqarfimmi allagarsiussinikkut nunaqarfimmilu aqutsisuni ilaasortanut tamanut tusarniutigineqareerpoq. Suliaq politikikkut suliarineqareerpat qinnuteqartumut tusarniaanermilu akissuteqartunut aalajangiineq nalunaarutigineqassaaq.

Nunaqarfimmi Kapisilinni allagarsiinikkut piffissami 22. februaarimiit 22. marsi 2021-mi tusarniaasoqarpoq.

Akerliusoqarpoq, inissisimaffik nr. 2 aqqusineqqani pioreersuni ukioq tamaat atorineqartartuni inissisimammatt, taamaattumillu inissisimaffik nr. 2-mi illuliortoqarnissaa akuerineqarsinnaanngitsaq.

Qinnuteqaatinut allanut marlunnut aamma nunaqarfimmi aqutsisut siulersuisuinit akerliliisoqanngilaq.

Sanarfinermut Avatangiisinullu Ingerlatsivimmi qinnuteqaammik suliaqarnermi sumiiffiup inissiaqarfissatut atugassanngortinneqarsimanera sulilu sanaartorfissaqarnera aallaavigineqarput.

Sanarfinermut Avatangiisinullu Ingerlatsivimmit innersuussutigineqarpoq tusarniaaneq akuerineqassasoq nunaminertaliisoqarneranilu piumasaqaatigineqassasoq aqqusernit pioreersut attatiinneqassasut.

Ingerlatsivimmit aningaasatigut sulisoqarnikkullu naliliinerit

Qinnuteqaat kommunimut aningaasatigut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Kommunimut pilersaarut 2032

Ilanngussat

1. Nunaminertamik atugassinneqarnissamut qinnuteqaat BOG-2020-11638-003
2. Nunaminertamik atugassinneqarnissamut qinnuteqaat BOG-2019-00255-004
3. Nunaminertamik atugassinneqarnissamut qinnuteqaat BOG-2019-00332-005
4. Tusarniaaneq - Tamanut ammasumik tusarniaaneq Kapisillit
5. Akerliliissut tiguneqartoq
6. Immikkoortup ilaa 18A1
7. Immikkoortup ilaa 18C1

Punkt .: Imaqarniliap akuerineqarnera

Beslutning

Imaqarniliaq akuerineqarpoq nal. 14:57